



5.5.321



# MEMORIA FABRICIANA

Reverendissimo ac venerabili

*VIRO*

# IOANNI FABRICIO

Sereniss. DVCIS Brunsvic. ac Lunebur-  
gensis Consiliario ecclesiastico, Regiæ Luteræ Abbati,  
& Professori Theologo in inclyta Iulia primario,

*cantata*

I. W. P. S. T. D.



ANNO MDCCL

Claudianus in Consul. Manlii.

*Ipsa quidem virtus pretium sibi, solaque late  
Fortuna secura nitet, nec fascibus ullis  
Erigitur, plausuve petit clarescere vulgi.  
Nil opis externa cupiens, nil indiga laudis,  
Droitius animosa suis, immotaque cunctis  
Casibus, ex alta mortalia despicit arce.  
Attamen invitam blande vestigat, & ultro  
Ambit horror: decuit toties a rure profectus  
Litor, & in mediis consilii quasitus aratris.*



ABRICIVM canimus magnum , quem  
Altorfia mater

Progeniuit, fovitque suis academia fibris,  
Ingentes inter procures , mystasque ve-  
rendos.

Hic sibi majorum a tergo genus omne re-  
linquit,

Major avis, proavisque suis, quem con-  
scia virtus

Supra sortem hominum, tardi & confinia vulgi,  
Tollit, & agnatis illum conterminat astris,  
Qui supra rabidos morsus, dentesque malignos,  
Et supra invidiam, lunæ solisque labores  
Cælum ipsum penetrat, seque altis sedibus infert,  
Vnde venit, Numenque sibi, divosque propinquos  
Concilians, vasta complectitur omnia mente,  
Ipse sui mensura, sui compendium & ævi,  
Ac decantato præsul divinus in Elmo.

O utinam, ut cuperem, possem te sculpere vivum!  
Non secus, ac ligno statuam qui extundere acerno  
Cogitat arte opifex, sacrata in sede locandam,  
Exutum nondum foliis, & cortice duro,  
Informem primum cernit sine nomine truncum;  
Si vero arte sua & studiis accesserit, & quæ

A 2

Sunt

Sunt cūva, aut obliqua, suo correxerit ære,  
 Divinum producit opus, nova forma resultat,  
 Quæque intus latuit, sub apricum surgit imago.  
 O si ego tam felix fuerim Lylippus in arte,  
 Atque opifex essem, qui gemmam vinciat auro,  
 Quam virgo digitis gestare micantibus ambit,  
 Atque laborato cupit exardere smaragdo!  
 Sed me destituunt vires, est dempta facultas,  
 Et rude sit donum nostrum, indigestaque moles,  
 Truncus iners, tectumque situ sine nomine carmen.  
 Magnæ molis opus, numeris includere facta  
 Heroum, & celsis cecinisse encomia divis,  
 Aut castum sacris accendere sedibus ignem.  
 Vnde mihi valde timeo, & me durus & asper  
 Castigo, si quæ numeris minus apta canantur,  
 Nec doctas forsan vox barbara vulneret aures.  
 Novi ego, cenforem quantum sim nactus acerbum,  
 Quosque oculos, quanta sit opus contexere lima  
 Carmen, & aonio monimentum ponere Phæbo.  
 Sæpe aliquos versus volui componere, sed mox  
 Delevi trepidus, quæ feci carmina: namque  
 FABRICIVS, dixi, leget hæc: is grande, venustum,  
 Sacrum, augustum, ingens, pulchrum, & sublime poëma  
 Postulat, & comptas, quæ fulgent ore, Camenas.

Quid faciam? Pudor est, decora inter tanta silere,  
 Sed laudare, labor. Nostro tu accede labori,  
 Inclyte vir: nam si ligno tua dextera formam  
 Indiderit, cæptoque operi insudaveris ipse,  
 Arti addens pretium, iam digna micabit in auro  
 Gemma, ac augustum fluet alto e pectore carmen.  
 Da mihi te, Musamque tuam, castamque Minervam  
 Funde lubens, Sic me vincet nec thracius Orpheus,

Nec

Nec sacra Calliope, nec carminis autor Apollo.  
 En, quonam rapior? quis me iam spiritus afflat?  
 Iam feror, & iam visa mihi decrescere tellus,  
 Et fugere ex oculis, iam pectore sentio Phœbum,  
 Ardoremque novum, magnamque ad grandia mentem.  
 Offero iam tibi te, Musis dignissime præsul,  
 FABRICIVM cano FABRICIO, flamma intus agente,  
 Accensus meliore Deo, sublimia tango  
 Barbata, digna cani: neque enim præsentior alter  
 Te fuerit, vires qui det vel plectra poetæ.  
 Et licet haud omnem (quis concinat omnia de te?)  
 Spiritum, & exultam, vivamque expressero formam,  
 Non tamen effictis verbis fictoque colore  
 Scribere conabor, falsasve extollere dotes.  
 Pigmentis nullis opus est, nulloque cothurno:  
 Ipse tibi laus es, solus tibi sufficis ipsi,  
 Hocque unum exoptas, ac iuste a vate requiris,  
 Non nisi vera loqui, nil falsi dicere velle.

Vnde autem incipiam? Tantarum exordia rerum,  
 Quæ me circumstant, rapiunt me vortice magno  
 In maria immensæ laudis, me multa moratur  
 Copia, nec certo patitur procedere passu.  
 Nam veluti, si quis, luna regnante per Arcton,  
 Aspicit, ardentes stellas, & sidera pulchra  
 Lege rapi, volvique novas rapido axe figuras,  
 Expansi convexa stupet, cum clarior usque  
 Stella micet, dubiumque oculum formosa relinquit,  
 Num sibi Cassiope placeat, num magnus Orion,  
 Syrius, aut Cepheus, an tardi plaustra Bootes,  
 Aut ariadneæ miretur regna coronæ.  
 Vel, si quistectum ingreditur, quo nobile stratum  
 Ære pavementum, Zeuxisque insignis in arte



Effigies pinxit varias, quas vivere iuret,  
 Ac longum cupiat visis hærere labellis,  
 Obstupet, ignoratque diu, quæ pulchrior harum,  
 Quam sibi spectandam sumat, nam quælibet ipsum  
 Detinet effigies, doctosque invitat ocellos,  
 Atque ipsum huc illuc visa in tam dulcia raptat:  
 Sic quando ipse tuas discerno in pectore dotes,  
 Atque artes varias, divinæ oracula lingvæ,  
 Et vastum ingenium, pulchramque ante omnia mentem,  
 Quam tibi concessit Numen, quam pinxit Olympus,  
 Me mihi furripior, qui tot mihi fulgida cerno  
 Sidera, & innumeras, quas vix descripsero, stellas,  
 Divinæ monimenta tuæ, quæ cernuus ipse  
 Admiror prorsus, quorum quid pulchrius exster.  
 Quidve probem primum, multum mens pendula nutat.

Quid memorem antiquæ clara incunabula stirpis?  
 Quis venerabilior sanguis? quæ maior origo  
 Theilogos inter fuerit, vel gloria mystas?  
 Vidi ego prælustres *atavos*, longo ordine pictos,  
 Non interrupta serie, divina ferentes  
 Eloquentia, & sanctis admotos iugiter aris,  
 Quos fidos semper Respublica norica testes,  
 Atque evangelium constanti mente professos  
 Novit, pacificosque sibi est venerata magistros.  
 Vidi ego depictos *Lutherum*, eiusque \* *fidelem*  
*Nestora*, quorum ora & divini umbracula vultus  
 Kranachii depicta manu, transmissa Philippo,  
 Vestra, ipso Momo vel iudice, deliciosa  
 Bibliotheca capit, rarorum sæta librorum.  
 Hoc quoque præcipua laudum est in parte locandum,  
 Quod cum FABRICIO quondam seniore Philippus

Iunxit

\* Phil. Melanchthonem.

Iunxit amicitiam; namque exstat epistola ad ipsam  
 Missa melanchthoniis plenissima litera votis.  
 Ille pio generi vestrisque nepotibus olim  
 Vota dedit morti propior, verusque propheta  
 Exstitit; agnoscunt præsentia tempora vires  
 Numinis arcani, dum se FABRICIA laurus  
 In tot surgentes diffudit splendida ramos,  
 Teque, o Abba, tuens, & auitæ gentis Iulum,  
 Miratur guelfæ tua celsa cacumina mitræ.

Hæc licet ætherei sint signa arcana fauoris,  
 Non tamen illa meis dant argumenta Camenis,  
 Ut laudis sint scena tuæ: tua plurima virtus  
 Maiores superat, cunctos & stirpis honores,  
 Plusque illis famæ tribuis quam fumis ab ipsis.  
 Linquo ergo annosos proceres, nam tu mihi solus  
 Carmen eris: neque enim gentis facta inclyta factis  
 Immiscebo tuis, cum stirps laudata tuorum  
 Sit laus emptæ tibi, neque dignus is audiat hæres,  
 Qui tantum se laudet avis, & stemmate nudo.  
 Gloria vana tibi, proprio ni Marte triumphet:  
 Hinc veteres ceræ, vel quæ non feceris ipse,  
 Res aliena tibi, nec tanto præfule digna.  
 Cede, Rubelle miser, solo qui nomine turges,  
 Atque tumes alto Druforum sanguine, tanquam  
 Ipse aliquid fueris, propter quod nobilis esses.  
 Ecquid profuerit tibi, depictos cernere vultus  
 Æacidum, & stantes in curribus Æmylianos,  
 Et Curios iam dimidios, nasumque minorem  
 Corvini, & longa Fabios deducere cera?  
 Quid tibi profuerint Ciceronis nomina, si tu  
 Nil Ciceronis habes? quid aduncos suspicis Ancos,  
 Aut Cossi faciem monstras, atque ora Camilli,

Si te ipsum antiquæ confutet gloria famæ?  
^ & si magnifico generi studia ipsa maritas,  
tua nobilitas sit vera atque unica virtus,  
Nobilis es, ornasque tuos in sanguine Drusos.  
Omnia FABRICIO decora hæc visuntur in uno,  
Et genus & proavi, prælataque nobilis Elmi  
Insula, Lothario quondam sacrata sebasto,  
Gloriaque & virtus, & magni pondus honoris,  
Et quæ optare velis. Pater immortalis in illo est,  
Immortalis avus, clarorum ac ordo virorum  
Incipiunt doctis eius reviviscere scriptis.  
Quæ vulgat, patulumque alio transmittit in orbem.  
Et quamvis cunctis sese putet esse minorem,  
Neve illis cupiat melior vel maior haberi,  
Præclaros tamen attrahit in compendia patres,  
Fabriciumque genus titulis maioribus implet.  
Ecquis, magne virum, non hæc ad sidera tollat,  
Nec mandet seræ per postera secula famæ?  
Ipsa quidem virtus, & magni nominis autor  
Non amat ornatas phaleras, nec laudibus ullis  
Indiget, aut plausu cupit inclarescere vulgi;  
Attamen insequitur fugientem, atque occupat ultro  
Servus honor, rutilisque ipsam mox inserit astris.  
Ipsa etiam pietas in versu simplice magnos  
Occultans sensus, hic muta silentia damnat,  
Ac loris adigens, a me pia carmina poscit,  
Carmina, patrono memorem testantia mentem,  
Carmina, venturo quondam evolvenda nepoti.  
Nam licet ipse cani detrectes, maxime fautor,  
Non tamen est nobis, Musa ipsa urgente, videndum,  
Quid vestræ possint aures sufferre modestæ,  
Quam quæ debetur tantis virtutibus ara.

Complecti

Complesti famam meritis, nihil atque relictum est,  
Quo virtus animo crescat, vel splendor honore :  
Omne tenes punctum, nec habet, quo gloria scandat  
Vlterius, capiantque novas tua tempora laurus.

Interea haud leviter de te mihi gratulor ipse,  
Qui laudor, dum laudo virum, celebrisque per ipsum  
Efficior, magnumque orturum sentio nomen.  
Valde inde admiror, quod sudus fronte serena  
Excipis ipse meas, & blando fidere Musas,  
Et legis, ac ornas etiam, claustroque fideli  
Asservare cupis nostros, pia debita, versus,  
Atque putas parvas aliquid tamen esse Camenas.  
Sunt in honore tibi vates, ac suspicis ipsos,  
Damnaturque levis stupida ignorantia scarni,  
Quæ sibi nescio quam censuram in carmina sumit,  
Irridetque bonas iactatis vultibus artes.  
At iuvenis macedo, terrorque orientis & orbis,  
Qui victum docuit submittere cornua Gangem,  
Bellis in mediis smyrnæum accivit Homerum.  
Ille triumphatæ domitor Carthaginis, ingens  
Scipio, perpetuum cui contulit Africa nomen,  
Adiunxit calabrum socium per prælia vatem.  
Iulius erectis pangebatur carmina castris,  
Augustusque, ejus successor, plectra movebat  
Mollia, quem lano oculo fractisque sagittis  
Non puduit domina carmen conscribere dextra.  
Anne putas, gentes tantum cecinisse poetas?  
An non Iessides cecinit per pascua Bethlæ,  
Rex idem, pastorque hominum, fidusque regentum,  
Cui dedit arcanos cœlestis spiritus hymnos,  
Plurima de Christo testatus? Sic quoque magnus  
Rex Salomo, quo non unquam sapientior alter,

Mystica descripsit sancti connubia lecti,  
 Hinc ego vel primis vigilatum carmen ab annis  
 Dilexi semper, natamque e pectore suadam,  
 Quæ castum saperet Latium, musamque Maronis,  
 Vel pharii vatem sequeretur fida Canopi.  
 Obscura, fateor, meris caligine Musæ  
 Errarunt passim, totoque Helicone fugatæ,  
 Secessius, sedesque novas, aliosque penates  
 Quæ sivere sibi: pauci, quos æquus amavit  
 Arbiter, aut ardens evexit ad æthera virtus,  
 Hospitio profugas late exceperet sorores,  
 Argentesque suis blande fovere sub ulnis.  
 Ast cum, Mæcenas, es nostra allapsus in arva,  
 Nymphas aspiciens laceras, neve amplius undam  
 Castalios præbere lacus, marcescere laurum,  
 Mox fortem nostram valde es miseratus iniquam,  
 Primaque cura fuit, longe propellere pigram  
 Barbariem, & Phœbum ad sedes revocare fugacem,  
 Exornare deas, ac prisca insignia & ostrum  
 Reddere, & effigiem primam, lucemque referre.

Credo equidem, electum te prima ætate beatissimum  
 A Superis, Sanctosque tibi arrisisse faventes,  
 Et bona vatidicis cecinisse hæc omnia nervis:  
 Noster amor, magnum sacro decus addite monti,  
 Fausta tibi superæ promittunt omnia mentes.  
 Tu claram proavum stirpem, & pia facta tuorum,  
 Virrutesque tuo vinces splendore paternas.  
 Exiguum est, patriis tantum si nosceris oris,  
 Antraque FABRICIVM pignora tollere nostrum,  
 Inque tuas laudes vicinum assurgere Suevum,  
 Aut tua magnanimos cantare encomia Francos:  
 Seqvana te, Rhodanusque, ingentique amne Garumna,

Te

Te Rhenus, te Danubius, te Tiberis & Arnus,  
 Te batavæ discent clarum cognoscere ripæ,  
 Te helvetii montes, & nubifer Apenninus,  
 Te silvæ hercinia, te Iulia nobilis Elmo,  
 Te Trava, te refluis noscet pater Albis in undis,  
 Aut quascunque sinus lambit Codanus arenas,  
 Et quos prutenicos humectat Vistula campos,  
 Te nomenque tuum longinqua in secula mittent.  
 Dicta fides sequitur: simul ac has natus in auras,  
 Exceptusque piis fueras puer editus ulnis,  
 Ipsa Deo studiisque sacris te cura parentum  
 Destinavit, ac fidum Eusebiæ commendat album.  
 Mox te etiam aoniis nitidæ lavere sub antris  
 Castalides, mollemque tuam fovere juventam,  
 In qua præcocius voluisti prodere signis,  
 Quem sperare sibi poterat provectior ætas,  
 Aurora testante, diem. Te protinus anni,  
 Formavere rudes, socios prævertis ephebus,  
 Et prætextato magnum promittis amictu.  
 Sic rosa, vere novo, cum terra reducit odores,  
 Maxima promittit: primum durefcit in orbem  
 Folliculus, barbamque sibi producit acutam;  
 Mox tumet, & tunicos horto ostentare virentes  
 Incipit, & suppressa diu sub cortice proles  
 Turget, agens rimas tenues, & vertice summo  
 Purpureas dilatat opes, rubicundaque labra;  
 Postremo cum pulchra suum Matuta ruborem  
 Spargit, & æthereum glomerant novagramina rorem,  
 Panditur omne decus, valvisque emissus apertis  
 Flos hiat, & læto arridet venientibus ore.  
 Sic quoque FABRICIVS, primo sub flore iuventæ,  
 Magnum aliquid de se iussit sperare magistros.

Hi plane in solitos cernentes nobilis ignes  
 Ascendit, & nunquam lassati signa laboris,  
 Quæ sibi venturi de te non maxima soles  
 Promittent, dixere, quid altor fides videbunt  
 Pulpita, cum totam tua se rosa pandet, & illud  
 Quod later interius decus, & mentem exeret omnem?  
 Tunc virtutis honos, cum iam compleveris annos,  
 Dignæque tuæ sint parsa arcana Minervæ,  
 Inguisque animi, claustris valvisque reclusis  
 Rumpet, & auratum Mus ostendat amictum.

Nec fœsum cecinere viri: namque entheus ardor  
 FABRICII, haud vulgare sapit, fastigia scandit,  
 Seque adytis sapientum infert, cui tota recessus  
 Pandit Cyrrha suos, & sese Tullius audit  
 In iuvene, illiusque animum sic Livius ingens  
 Implere, ut ausonium putet hunc, Crispusque latina  
 Primus in historia miretur teutona, per quem  
 Grandia dicturum sese romana vetustas  
 Explicet, argivæ & pateant mysteria linguæ,  
 Ancipitesque scholæ, cum, quidquid credidit olim  
 Stoa vetus, quæ Pythagoras, quæ magna Platonis  
 Mens fuit, exquirat solers, servetque reposita.  
 Ingens hinc maiora petit subsellia cultor  
 Palladis, & celebres sequitur non tardus Athenas.  
 Audit *Wulferum*, præcellentemque *Dilberum*,  
 Qui fide monstrat sanctæ vestigia linguæ,  
 Et reliquos audit sub eodem tempore mystas.  
 Histinctus, caluit nostri quoque nobilis Elmi  
 Visere athenæum, quibus innutritus in hortis  
 Ipse pater fuerat, magno decoratus honore.  
 Magnum hoc fuleum est, in quo vixere verendi  
*Saubertus, Titius, Cellarius, ille Calixtus*

Iunior,

Iunior, ac toto notus *Conringius* orbe.  
 Hi iuvenem studiis, indefessoque labore  
 Formavere virum, Vah, quanta industria mentis,  
 Quantus amor Pindi, dum non collegia solum  
 Rite adiit prælecta die, sed iungere noctes  
 Duxit, & infomnes meditando impendere lunas!  
 Regna dein, suasu maiorum, *hungarica* vidit,  
*Austriacamque domum*, & miscens commercia doctis  
 Altorfum rediit, dulci quem *Dürrius* aura  
 Et mensa excipiens, magno est dignatus amore,  
 Nec deerant virtute sôphi, quos inter agebat  
 Excellens hebræo *Wagenfilius* ore,  
 Notus Hylas, quem deciduis academia plorat  
 Planctibus, & magni quem semper fecerat ipse  
 FABRICIVS, doctusque illum suspexerat orbis.  
 Ipse *parens*, (: quis enim maiori incensus amore  
 Imbueret natum ? ) læte sibi sumpsit alendum  
 Doctrina omnigena, & cunctis viribus illum  
 Instruxit, divina docens, magnique tonantis  
 Consilia abstrusa, & totum referabat olympum:  
 Cumque sit oceanus, quæ *controversa* vocatur  
*Theiologia*, ingens, ac sit maris æquor arandum  
 Errores inter varios, fluctusque furentes,  
 Expertus dubiis sapiens Palinurus in undis,  
 Et brevia & Syrtes, & navifragas Sirenes  
 Monstrabat, facilemque viam cursumque docebat,  
 In sibi speratum quo posset flectere portum.

Ex illo demum, cum fundamenta locasset  
 FABRICIVS, *populo proponere dogmata verbi*,  
 Doctrinamque piam, gustataque fundere verba  
 Instituit, pavirque suis sermonibus agnos.  
 Pessimus, & nocuus valde me iudice mos est,



Si quis vix primis tetigit primordia labris  
 Eusebies, templi tamen ardua scandere rostra  
 Tentet in expertus, vulgo non doctior ipso.  
 Disce docendus adhuc, qui te cupis esse magistrum  
 Mansuetarum ovium, pastoris sanguine magni  
 Rite redemptarum: si te non tinxerit almus  
 Spiritus, & rorans quæ desuper affluit unda,  
 Barbaræ erunt agnæ tibi, tu quoque barbarus illis.  
 Fac prius, exemploque doce, quæ suaferis autor,  
 Ne te ieiunum, vel vix a matre rubentem  
 Ipsi auditores dicant, carpantque periti.  
 Non ita FABRICIVS, qui pastorale, tremendum  
 Angelicis humeris, atque omni munere maius  
 Duxit opus, renuitque sacram cito scanderê sedem,  
 Nec nisi calcandam matura ætate cathedram.

Inde novos sensit *peregrina in rura* calores,  
 Et mores populorum, artes, variaque politos  
 Relligione viros, diverso fidere natos  
 Metiri ingenio, vitamque inquirere, & acta,  
 Quodque sit ex usu, fida decerpere mente.  
 Sunt, qui dissuadent terras spectare remotas,  
 Semotasque orbis gentes, ne dissita tellus  
 Exosam reddat patriam, patriosque penates,  
 Ac priscum sensim nobis exstinguat amorem.  
 Hi restum nihil esse putant, nihil atque probandum,  
 Quod non iudicio ipsorum, nec moribus usque  
 Conveniat, soli sapiunt, sibi denique nubunt  
 Ipsi, pallioloque suo, ceu stoica turba,  
 Cum Cynicis se includunt, umbrisque senescunt.  
 Hi satis audaces iactant, se posse sine ære,  
 Et sine difficili cursu, longisve viarum  
 Mæandris, graphicas tuto discurrere mappas,

Atque

Atque haurire suis, quæ sint sibi congrua, libris.  
Est aliquid, fateor, curta spectare tabella  
Totum orbem, & varias regiones discere posse,  
Ipsumque situs, ac ardua cernere regna.  
Est aliquid, si tu complexus mente capaci,  
Cum Iano videas populos, vultuque bifronti  
Prisca, novata notes, quæ, quantaque secula mundus  
Egerit, atque eadem repetito fabula ludo  
Venerit, inque suis rediviva negotia seclis.  
Quis vetet, autores si volveris, & tibi signes  
Mirandas variasque vices, quo semine surgat  
Religio, aut lento pereat res publica morbo.  
Docta quidem multos habet illa scientia fructus,  
Ast longe hæc alia est, visu quæ nascitur ipso,  
Cognitio, si tu populos, ac diffusa regna,  
Atque ipsas aditu possis dignoscere gentes.  
Qui legichistoriam, seu graiam, sive latinam,  
Quique solet nuda pugnas formare papyro,  
Hic nimium sane a vero iam milite distat,  
Hostes qui vidit, belloque interfuit ipse.  
Tantum, crede mihi, visu qui cuncta notavit,  
Prudentique oculo mores collegit Vlysses,  
Distat eo, solis didicit qui climata libris.  
Ne mihi multorum morbos, moresque malignos  
Obiicias, quos Italia, Gallisve petulcis  
Portavere domum, vel quantum Hispania damni  
Fecerit his, dederintque mali sub fluctibus Angli.  
Has vitat prudens, oculo cenfore, charybdes,  
Et sibi quæ sunt recta legit, ceu dædala flores  
Investigat apis, quæ per tot vasta pererrat  
Camporum spatia, & pratorum invadit honores,  
Cecropiumque thymum, & candentia lilia circum

Docta

Docta volat, carpitque rosas, atque ebria rore  
 Vertit iter, nihil hellebori nigrantis odorem,  
 Et tactu nocuas nihil averſata cicutas.  
 Nec ſecus, ac fluvii nonnulli falſa vagantur  
 Per maria, & varios ſeſtunt in cœrula fluctus,  
 Nil quicquam tamen a propria dulcedine perdunt,  
 Sed puram præbent nautis ſitientibus undam:  
 Sic quoque viri juvenis regionum perſecat æquor,  
 Vndantes late populos moresque probatos,  
 Quos hauſit cautus variis e gentibus, uſum  
 Affert in patrium, collectaque cominoda centum,  
 Nil falſi retinens, ſapientia mente reducit,  
 Atque ſua amittit nil de dulcedine recti.

Hæc dum animo ſecum, & recta ratione volutat  
 FABRICIVS, quanquam vix ille revixerat æſtu,  
 Nervis haud adeo validis, tamen extera regna  
 Cominus, atque novas rapitur cognoſcere terras,  
 Nec non quæque ſuo propius ſpectare theatro.  
 Inſignes aderant comites, quos ardor agebat  
 Magnus, *Bavariam, Suevos, alſatica rura,*  
 Et *Palatinorum tractus, Rhenique meatus*  
 Viſere, diverſasque animo diſcernere gentes.  
 Ante omnes *Batavi*, ſtudiis cultuque decori,  
 Ex quibus herôes tot deſcendere celebres,  
 Perplacueret ſibi; namque hic ſapientia ſedem  
 Fixit, ſocraticosque inter celeberrima cœtus  
 Doctrinæ delubra patent, foribusque Minervæ  
 Inclyta viſtrices ſuſpēdit Leida coronas.  
 Ipſe iterum, dum tanta cano, batavique recordor  
 Teſta ſoli, reliquasque urbes, ſophiæque curules  
 Amſtelia, & clarias artes, queis pollet amicus  
 Vel groningeniſis, vel franekeranus Apollo,

Aut

Aut ubi Trajecti sunt alta sedilia Musis,  
 Ipse, inquam, videor tecum mihi visere colles  
 Pegaseos, doctique fores attingere ludi.  
 Hic non indecorem magnis te vivida virtus  
 Inferit ordinibus, pulchrosque exfuscitat ignes  
 Ingeniti natura animi: per grandia rerum,  
 Quæ celare solent homines, per quicquid ubique  
 Scire potest mens docta, vel ignorare recusat,  
 Vadit iter laudum, & vasta diffunditur arte.

Iamque satur, batavisterris fluviisque relictis,  
 Per *Frisios*, quorum regio conspexit Eoum,  
 Et *Bremam* properans, perque *oldenburgica* late  
 Iugera, parrhasiam velox contendit in Arcum.  
*Hamburgum* descendit, & hanseatica pergit  
 Littora, Cimbrorumque ardet contingere fines,  
 Magna ubi *Lubecæ* reginæ altaria fumant,  
*Roslocbieque* rosæ, vel quicquid gentis avitæ  
*Meclenburgensis* Henetorum nomen adorat.  
 Inde in *Saxoniam* tendit, tangitque *Thuringos*,  
 Et claram antiquo *francorum* robore gentem,  
 Suevorumque iterum populos, & *rhetica* corda  
 Conspicit, ac *venetam* navi se flectit in urbem.  
 Nile est in Venetis, quod non mireris in ipsis:  
 Divorum hæc urbs est, ubi tutam figere sedem  
 Tot docti voluere, & sacros verosque subinde  
 Nantes in medio testes aluere profundo.  
 Hæc postquam ingenio curaque est visa sagaci  
 Insula, perceptisque libris, & legibus illis,  
*Padua*, *Puteoli*, *Genua*, atque *Neapolis*, & quæ  
*Mediolana* capit regio, tibi cernitur, alta &  
*Mantua*, væ, miseræ nimum vicina *Cremonæ*,  
 Mantua virginei sedes celebrata Maronis.

C

Andi.

Andiades Nymphæ , patula quibus arbore tectus  
 Tityrus argutæ calamos inflavit avenæ ,  
 Atque suas docuit resonare Amaryllida silvas ,  
 Salvete, atque o vos fontes , loca consita lauro,  
 Et vos clivosæ, veterum monimenta , ruinæ,  
 Dulcis ubi vitreas primum Maro lufit ad undas,  
 Salvete, & vestrum plectris cantate poëtam.  
 Majestas sua rebus inest, suus omnibus horror  
 Arboribus, lautis etiam sua gloria Nymphis.  
 Ipsa mihi ad numeros agitari arbuta videntur,  
 Et resonas falices, resonos in carmina fluctus  
 Longe exaudimus, vocales versibus alnos,  
 Atque novos vatis cantantes pascua cygnos.  
 Hæc si me afficiunt, cui non loca visa fuere,  
 Quæ tibi, *FABRICI*, non surgat corde voluptas,  
 Qui loca vidisti, quique acri percitus æstro  
 Arma virumque canis, memorique in prisca recurris  
 Secula, & antiquum repetis sub tegimine carmen?

Sed juvat ulterius *latios* invisere colles,  
 Et quæ *tyrrbenum* pelagus, quæque *Hadria* lambit  
 Ostia, divino sulcata hadriatica Paulo,  
 Cum vinctus dominam raperetur compede *Romam*.  
 Hanc quoque reginam curiosâ mente tueris,  
 Romanumque Iovem, tarpeia rupe tonantem,  
 Ac vaticani pomposa palatia templi,  
 Albanosque Patres, & tot, sacra nomina, Cleros,  
 Atque alios de gente viros. Vidisse iuvabat  
 Græcorum ritus, atque eucharistica sacra,  
 Panis ubi Domini Christo victore notatus  
 Altari incumbit, quem lancea vulneratilla,  
 A parochi traiecta manu. Mox aspicias istas  
 Maronitarum, Palmarum tempore, ritus,

Qui

Qui tunc nescio quam, factò modulamine, olivam  
 Luminibus plenam, populo plaudente, reponunt,  
 Ut rapiant, studeantque aliquem decerpere ramum.  
 Non memorabo illas, quas te vidisse recorder,  
 Pompeii villas, Mariique & Cæsaris hortos,  
 Nec referam circos, obeliscos, amphitheatra,  
 Thermas, naumachias, prætoria, mausolæa,  
 Rostra, & aquæductus, excellentesque columnas,  
 Atque triumphales arcus, & templa deorum,  
 Quæ sacrata deo Bromio, reliquisque deabus,  
 Horrendum & templum, quod ab illis Pantheon audit,  
 Et sat testantur, quo spisso errore vagatæ,  
 Et plus cimmeriis tenebris, cæcoque tumultu  
 Mentis, adorarint miseræ sua numina gentes.  
 Ast hæc illi etiam observant, queis sufficit, istic  
 Templa augusta, fores auro argentoque superbas,  
 Vestes, sidonia quas fœmina tinxerit ostro,  
 Mirari, & cupido percurrere talia visu,  
 Quas personatus sibi sumpserit histrio partes,  
 Vel quæ præterito comœdia lusa theatro,  
 Aut ubi sint gratæ, pingui nidore, culinæ.  
 Tu tibi longe aliud præfigis, & aspicias illa,  
 Quæ sunt auditu iucunda, & digna videri  
 Emaculato oculo, naturam inquiris operam,  
 Historiam, incisos lapides, quæ tempora signent,  
 Et bibliothecas, vel ubi antiquaria vendat  
 Cura libros, agitetque novus collegia præses,  
 Cum quibus & liceat sermones cædere doctis,  
 Quos inter fuit *Ostavius Ferrarius*, alpha  
 Oratorum, & magnus *Magliabechius*, ille  
 Præclarus polyhistor, quem sic Florentia mater  
 Extulit, ut libros ipsi concrederet uni.

Tu quoque Christicolas quæris, quos ignibus hostes  
 Devovere mali, vel quos romanus adegit,  
 Cum rabidis ursis, aut depugnare molossis.  
 Hi cryptis latuere diu, terrisque repositi,  
 Nunc lucem videre suam, sanctique resurgent,  
 Cum reliquus pius ordo suos explevit agonas.  
 Ingemis, ut multos Papa excommunicet agnos,  
 Qui similes primis sunt confessoribus illis,  
 Quos in honore habuit Christus, quos Roma beatos  
 Prædicat, & sacrata iubet spectare sepulchra  
 Illorum, ac sanctis altaria dedicat istis.  
 Proh pudor, hæreticos tollendos iudicat igne,  
 Illos candidulos testes, & fulmine diro  
 Vulnerat insontes, Christi qui sanguine loti,  
 Nymphæ agni, & sancti gratissima portio regni.  
 Dicite, Pontifices, in templo quid facit ista  
 Sævities? tantæne animis cælestibus iræ?  
 O miseri, qui vos ignes, aræve piabunt?  
 Quis vos Vesuvius, quis vos exusserit Aetna,  
 Aut quisnam fluvius noxam istam rite lavabit?

Tu tibi *Vesuvium* meliori mente revolvis,  
 Qui spatium meditandi illum tibi porrigit ignem,  
 Et multo fremitu lapides, & sulphura mille,  
 Horribilis visu, fumans uno eiicit ictu,  
 Coccyto similis furioso, ut Tartara credas  
 Speluncam celare suam, damnataque claustra  
 His ipsis fontes animos exurere flammis.  
 Mirum hoc ostentum est, sed mirabilius illud,  
 Quod Deus occultis, qui tor bona sæpius istis  
 Elicit e nocuis, hoc ipso sulphure iacto  
*Baienses* sensim calefacto flumine thermas  
 Ordinet, ut, si quis forsan luxaverit armos,

Aut

Aut coxendicibus, pedibus, manibusque refractis  
 Claudicet, haud ullo sit opus medicamine & herba,  
 Neve ut Chironem læsus sibi quærat amicum,  
 Sed calidis sanus redeat feliciter undis.

Magna etiam rapuit vestram admiratio mentem,  
 Cum visu caperes horrendas cautibus *Alpes*,  
 Surgentes *Alpes*, patulas quas fecerat ille  
 Hannibal, & Pœnis longe grassantibus istas.  
 Stravit, quasque olim Galli fregere feroces.  
 Res visu mira est, sua quod capita ardua tollant  
 In cœlum, atque sua cervice vel aëra rumpant,  
 Aëre maiores: dicas, hic Pelion Ossæ  
 Impositum, aut ipsum fulcris requiescere cœlum.  
*O quam magna Dei sunt mirabilia abyssus!*  
*At quantus Deus est, verbo qui talia fecit!*  
 Ista tuo fluxere pio suspiria corde,  
 Hæc cum, FABRICI, aspiceres, digneque notares.

Omni his animo prudenti rite peractis  
 Italia excedis, qua septem forte per annos  
 Vñs eras, linguæque potens, simul *itala* noras  
 Ipse docere alios: sapiens & *gallica* calles,  
 Et *Britonum* linguam, ac *hispanica* percipis ora,  
 Exemplo ostendens, quid in extera regna profectus  
 Possit, & agnoscat fructum tua patria tellus,  
 Ac studii tot signa tui, nec te aureus Arnus  
 Duxerit ad sua vina, aut fregerit improba Cypris  
 Pectora, & in luxus animos laxarit inertes.  
 Hocce tuum mausoleum, prælustre theatrum  
 Hoc est, factorum & præclara palæstra tuorum.  
 Hæc patria admirans, & quid speraverit, abs te  
 Ipsa videt, redditque locum, quem Dürrius olim  
 Ornarat, sanctæque tibi dat rostra *cathedra*.



Vix spartam hanc nactus, nativo ducere æstu,  
*Gallorum* imperium, & doctas Tritonidis arces  
 Visere, & ardentes spectare in frigore Musas.  
 Indulsere Patres, & Cancellarius ingens,  
 Norica quem doctis respublica iunxit Athenis,  
 Late altorum finæ Musarum iudicat urbi  
 Lucem affulsuram, si, qui laurentia vidit  
 Compita FABRICIVS, possit quoque visere Gallos.  
 Hinc petit *Alsatiam*, proficiscitur Argentinam,  
 Et *Lotharis* missis, Celtarum cernere fines  
 Incipit, & tandem *parisiinam* conspicit urbem.  
 Vah, qualis facies! non urbs dicenda, sed orbis,  
 In quo urbes variae. Rex aspectabilis ostro,  
 Sancit sacratas in publica commoda leges,  
 Et mentem immensam curas extendit in omnes,  
 Ne quid in imperio titubet; dat frena furori,  
 Nec sinit, ut pereat per mutua vulnera pubes  
 Gallica, vindictamque suam devolvat in hostem.  
 Nec possunt Musæ quin illum ad sidera tollant  
 Indigenæ, sub quo tutæ tanta otia carpant,  
 Ornarique suas videant feliciter artes.  
 Rex alit egregios homines, doctamque catervam  
 In Delphini usum, cui cultos ordine libros,  
 Quos romana tulit seclis florentibus ætas,  
 Dedicat, & pulchra tegit exemplaria veste.  
 Sic se Roma videt, densaque in nocte sepulti  
 Docti oratores, vita spirante, resurgunt,  
 Hic magni vates, posito squalore situque,  
 Prodire incipiunt, tanto servire parati  
 Principi, in occursum studiis se ardentibus urgent.  
 His Te, FABRICI, focias, commercia misces  
 Docta, audita notas, memorique in mente recondis.

Sorbo-

Sorbonam ingrederis, quæ, sicut stoa, politis  
Fœta viris, quæque ampla domus, tot Pallade plena  
Pectora, tot veterum congesta volumina Patrum,  
Tot doctas noctes, vigilataque scripta per annos  
Servat, & æternum mittit per secula nomen.  
Historicos illic videas, qui singula servant,  
Et fugitiva tenent iniectis tempora frenis,  
Qui francos Regum annales, & fortia facta  
Describunt, & queis moderetur legibus orbis,  
Quique potestates herbarum, occultaque rerum  
Explorant elementa, & qui super æthera recti  
Diffusa subiiciunt oculis propioribus astra.  
Sunt etiam ad nudos aspectus scandere sueti  
Numinis, & cœlo intenti sua mystica volvunt.  
Hic sanctæ & puræ mentes, mundoque profano  
Ignotæ latitant, quas, ut sua semina, Numen  
Servat. Reliquiæ hæ veterum, quibus ardor amandi  
Cœlicolas non parvus inest: *Dionysius* illas,  
Credo, afflat, tantæ qui primus apostolus urbi,  
Et qui cum Damari, quæ erat eius amabilis uxor,  
A Paulo in claris quondam conversus Athenis.

Hic tecum ipse domum peterem, *Verfalia* sed me  
Detinet, invitumque trahit domus inclyta, magnum  
Regis opus, dignumque coli, quam laudibus ornas  
Magnificis, quanto tecti splendescat honore,  
Quot fontes habeat, rivos, & amœna fluentia,  
Quodque adeo hic habitent, inter tot divitis aulæ  
Regificos luxus, admirando ordine Nymphæ.  
Est locus irrigui liquidas Euphratis ad undas  
Pulchrior, & frondosa comis viridantibus horti  
Pars melior, teneri saliant egramine rivi,  
Saxa virent, niveisque albescent floribus agri.

Nil

Nil illis Pomona hortis versalica cedit,  
 Fragrant verantes cassæ, duransque amaranthus,  
 Et crocus & nardus, & olentis germen amomi.  
 Hic rosa puniceos inter celeberrima flores,  
 Lilia liligerum sunt hic decorantia regem;  
 Cedrus odorata, & venturi præcia laurus  
 Panditur, innumeraeque aliae sine nomine Floræ,  
 Vt celebris vincat viridaria splendida Crassi,  
 Et facile Hesperidum superet splendoribus hortum.  
 Hinc etiam caput erigere, & de fronte superba  
 Despicere obscuras nova nunc regina sorores,  
 Regalesque inter par Nympha incedere Nymphas  
 Audet, & in seris primatum postulat actis.  
 Nil tale Ægyptus, dum victor ab hoste redibat,  
 Nil vidit par Roma, & non vidistis Athenæ.

His a deliciis raptus, per celtica tendis  
*Lugdunum*, cultamque sua in regione *Genevam*,  
*Helvetiis*que ingis superatis, *suevica* transis  
 Iugera, & *Altorfum* non una voce salutas.  
 O altorfinæ multum hic salvet Camenæ,  
 Pastores salvet omnes, qui dulcia Pindi  
 Culmina diligitis, pegnesiaque arva fovetis.  
*Langi* noster amor, quem primum ante omnia pono  
 Nomina, qui sancti firme mysteria regni  
 Interiora tenes, Paulique fideliter hauris  
 Sensa animi, sanctamque fidem, quæ est spiritus & vis,  
 Reiectis operum meritis falsoque piaſmo,  
 Restituis, reddisque decus, quo gratia sola  
 Gratia sit, purumque suum producat amorem,  
 Salve, & cantati pulcherrima gloria Pindi,  
 Dulcis Damon, *Omeis*, magni quem Cæsaris aula  
 Suspicit, & Comitum palatini mactat honore,

Pegnesi.

Pegnesiorum inter præses electus olorom:  
 Tuque *Rotenbecki*, sanctæ victura Sionis  
 Gloria, & innocui sincerus cultor honesti:  
 Tu quoque *Wernere* insignis, qui Iustiniani  
 Iura tenes, legesque Dei veneraris amatas,  
 Et das exemplum: nec tu, celeberrime *Spizi*,  
 Es minor; a veris iam tum laudatus amicis,  
 Quod primum his lapidem pietati struxeris oris:  
 Tuque *Hoffmanne*, decor medica prælustis in arte,  
 Quem reges cupiunt medicum, magnique dynastæ,  
 Salvete ex animo, nec me dimittite vestro.  
 Quin tu etiam, o celebris mihi Norimbergia salve,  
 Æternumque vale: tu nostra vocabere semper,  
 Et magnum mihi nomen eris. *Wincklerus* amator  
 Vester, qui clausis oculis cœlestia vidit  
 Regna, Deo plenus *Marpurg*, pietatis imago  
 Sinceræ *Ambrosius Wirth*, *Culmich*, *Boehmius*, & quos  
 Omnes cura tenet Solymæ divina supernæ.  
 Nec te prætereo, *Tucher*, qui more vetusto  
 Maiorum, æternas templo, pia lumina, flammæ  
 Ipse alis, in Christum vigilantis symbola mentis,  
 Vestra animo, *Fürere*, meo quoque vivida virtus  
 Versat, & ingenium, quo carmina Cæsare digna  
 Fundis, patricias inter fax fulgida ceras.  
 Quas vero grates reddam tibi, nobilis *Imhof*,  
 Nobilior meritis, pietas cui candida curæ est,  
 Et sincera fides? Quas, *Harsdörffere*, paratas  
 Ore canam laudes, quem dudum a pluribus annis  
 In patre dilexi, rutilus qui scriptus in astris  
 Vivit adhuc, nescitque mori? Neque iam, inclyte *Lochner*,  
 Phyllyrides inter celebris, doctosque Melampus,  
 Ipse tui sum oblitus: teque, o divine *Thomasi*,

D

Grato

Grato in corde fero, dum spiritus hos regit artus,  
 Qui Superos factis, famam virtutibus æquas,  
 Ingenioque ipsum sapiens transcendis Olympum.  
 Quid memorem vestros, tot splendida nomina, cives?  
*Ingolstæterum* celebrem, cui maxima laus est,  
 Principibus placuisse viris? Quo carmine canteam  
*Wincklerum*, insignem merito & virtute, beatum  
 Quem celebrant cuncti, & quem totis diligo fibris?  
 Tuque hamburgensis *Berens*, qui æraria complex  
 Norica mercator, vosque, o nitidissima nobis  
 Nomina, *Müllere* & *Schmidt*, tuque optime *Pflüger*,  
 Et *Rufi*, ac *Braun*, cum vindelico *Grebner*,  
 Cumque aliis, quorum concisa hæc pagina nomen  
 Non capit, at memori quos semper mente recondam,  
 Qui cum *Volckmario* blande fovistis amicum,  
 Et non fucato nos exhilarastis amore?  
 Non succensebis, fautor, quod laudibus hisce  
 Immorer, atque tuos hoc effero carmine cives,  
 Conscriptosque Patres patriæ, Phœbosque nitentes.  
 Ne grave sit, patriam, quo te contendere cerno,  
 Ipse etiam recolam, quæque illic grata fuerunt,  
 Illam, quam colis ipse, & quæ clarissima per te  
 Facta, suosque tibi non paucos debet honores.  
 Tot titulos inter, præclaraque robora mentis,  
 Vna tibi deerat, quæ tantum extendere nomen  
 In seros poterat mater fœcunda nepotes.  
 Ecquid, Amor dixit, tu sic producere vitam  
 Solus amas? an erit nullus tibi sanguinis hæres,  
 Et tristes sine prole dies, nullique hymenæi,  
 Nullaque succendet fervoribus uxor amorem?  
 Captus, habet. Virgo accedit, thalamumque coronat  
 Illa thori dulcis focia, & pars optima cordis,

AEMYLIA,

AEMYLIA, *Hoffmanni* magni, celebrisque Galeni  
 Filia, castarum soboles prælata dearum,  
 Quæ te ter patrem fecit, *natumque* reliquit,  
 Ambabus letho abreptis, hoc sospite solo.  
 Digna patris magni soboles, & dignus amari,  
 Quique utriusque DVCIS sublimia \* nomina gestat,  
 Spes generis, columnenque tuæ laudabile gentis,  
 Unaque FABRICIAE viva expectatio ceræ:  
 Qui vix sexennis, præcox hebræa latinis  
 Iunxit, & ingenio cunctos prævertit ephebos.  
 Sic decorat te dulcis Amor. Sed culta Minerva,  
 Qua fluit obliquis amnis salanus ab undis,  
 Virgineam præbet laurum, ac *Doctoris* honore  
 Maçtat, & auratis inscribit nomen in astris.  
 Non poterat celare diu te maxima virtus:  
 Vndique splendescis, veluti mons nescius abdi.  
 Se populos fundit superexaltatus in omnes.

Illa etiam, quondam fuerat quæ sedula mater  
 Extollendorum & nutricula fida laborum,  
 Illa ad se traxit cunctis te *Julia* nervis,  
 Agnovitque suum, magna ad subsellia natum,  
 Ut primus fieres doctor, qui dogmata verbi  
 Spargeret inviolata, & pronas duceret aures  
 Ad Dominum, & sancta nutrirer pectora pace.  
 Mox Luneburgensis Princeps, ANTONIVS ille  
 VLRICVS, quantus Princeps! cum fratre RVDOLPHO  
 AVGVSTO, summos tibi decernebat honores,  
 Et te a consiliis sacris, dignissime præsul,  
 Abbatemque vocabat, ut a te nobilis Elmus  
 Nobilior fieret, famamque inferret Olympo.

D 2

Tu

\* Dicitur *Rodolphus Antequim.*

Tu quantus, qualisque, tui testantur abunde  
*In lucem emissi* \* *libri*: quid amœnius illis,  
 Quid melius? nam defuncti *Systema parentis*  
 Per te robur habet, viresque acquirit eundo.  
 Quid reliquas tentem calamo percurrere chartas?  
 Plus valet inventus *Petri Denarius* a te,  
 Quam vel mille alii: commendat criticus illum,  
 Et cœlo extollit. Tua dissertatio, *Scylla*  
 Dicta, aliquam *Scyllam* nobis, quæ plena pericli,  
 Proponit, variosque errores detegit ipsa,  
 Absque errore omni monstrans, quo rēgia ducat  
 Semita; nam cæcus mundus, lunaticus ille est,  
 Qui sese iam in aquas, iam præcipitabat in ignes,  
 Ignoransque viam mediam, molimine vano  
 Dum stultus vitat, vitia in contraria currit.  
 Quæ *Paradoxa* vocas, non sunt paradoxa vocanda,  
 Nec plagii meruere notam, si, te interprete, lector  
 Iudicio leget hæc. Quanta est *Prudentia*, docte  
 Quam tu præscribis, sine qua vel & optima quæque  
 Crimen habent! Tua quo & *Moderatio* candida tendit,  
 Tam suspecta aliis, quam quæ acceptissima Christo,  
 Qui sanctam voluit pacem præponere bello,  
 Quod contra errores geritur sine pacis amore.  
 Sancta Alethæa quidem, cœlo quæ venit ab alto,  
 Quæque est ipse Deus, non est de pauperis regno,  
 Nec parvi facienda, sed illam fortiter omnes,  
 Qui nomen Christo dedimus, defendere fas est;  
 Ast in amore decet multo moderamine ferre  
 Errantem, & si quem videas declivia volvi  
 In loca, plena metus, recto deducere pedo.

Affect-

\* Opere *Amanitatum theologicarum* comprehensum.

Affectus fugito, rebus sis arbiter æquus,  
 Et præiudiciis careas, sis parvus ocellis  
 Ipse tuis, precibus multis suspiria mitte,  
 Commendesque Deo causam: sic, credito firme,  
 Plus vinctes, quam si vel mille anathemata spargas,  
 Emittasque tuos alta cervice furores.  
 Non opus est, rixis multos excire tumultus,  
 Res magna est Alethæa, Dei sanctissima nata,  
 Quæ cataphracta satis, mundi non indiget armis,  
 Aut clamore ullo, si quocum dimicat ipsa:  
 Nuda ea plus poterit, quam si furiosus Orestes  
 Et furias, rabidasque minas, & fulmina iactet,  
 Ac se ipse iugulet, raucis inglorius armis.  
 Aurea discentes docet hæc moderatio cives,  
 Quam sine bile omni lenis, sed fortiter urges,  
 Quomodo sit nocuo melior concordia bello.  
 O quam laudanda est tua cauta *Eclectica*, qua nos  
 Instruis, unguentumque paras, quo sacra profanis  
 Possimus recta iusti discernere lance,  
 Spiritibus mensuratis cum pondere, ne nos  
 Iuremus temere in cæci verba magistri!  
*Cætera* \* scripta, pio & docto meditata labore,  
 Cum cura insigni voluisti tradere mundo,  
 Quæ non festinum sapiunt præpostera partum,  
 Qui cæcos gignit catulos, sed tempore iusto,  
 Vel nonum velles decimumque premantur in annum.

D 3

Hoc.

\* Ut sunt *Annotationes* in Compend. theol. D. Baieri, *Dissertatio* de Reverentia erga sacra, *Memoria* Mart. Beerii, Io. Sauberti & Frid. Vlr. Calixti, *Oratio* de Templis veterum christianorum, ac *Præfationes* in Sauberti opera posthuma, & Gul. Forbesii *Confid. Controvers.*



Hoc \* *liber ille tunc* considerat, optimus ille,  
 Rixosis sudes oculis, quem nescio qualis  
 Lurco vorax atro & funesto dente momordit,  
 Seque fatigando, vario aëra discidit, ictu.  
 Sint procul a nobis bella illa, immania bella,  
 Quis falsi inter se furiose praelia fratres  
 Ritu cadmeo miscent, ac brachia nudant,  
 Ceu Brontes, Steropesque, & nudus membra Pyracmon.  
 Pellæum iuvenem regum flexere ruinæ,  
 Dediscunt sævire feræ, sævique leones,  
 Quæ stravere, eadem mites prostrata relinquunt :  
 Soli illi, placido debent qui nomina Christo,  
 Theiologi, irarum pleni, flagrantia servant  
 Iurgia, & æternis surgunt in praelia pugnis.  
 Hæc non didicimus miti a pastore fideles :  
 Nulla salus bello, pacem te poscimus omnes,  
 Qui nos in Christo dileximus, & piarixis  
 Oscula præferimus, iunctis in fœdera dextris.  
 Nonne satis tetrico bellorum auditur in orbe,  
 Dum Mars raucifono dirus tonat ære per omnem  
 Europam, & lacera vadit Discordia palla,  
 Et quatiens tædam ardentem, crinesque volantes  
 Tisiphone, atratas urget sævire sorores?  
 Et tu audes, pacis qui te natum esse fateris,  
 Pacificos turbare, & scindere dentibus agnos,  
 Et gerere æternum ac inconsolabile bellum?  
 Infurgit furiis ardens Albanus in Elmum,  
 Würtenbergenfes Gissensibus infestantur,  
 Iena suos hostes, & habet Mons regius hostes,  
 Atque pias sævis concursibus itur in Halas.

Hoc

\* *Consideratio variarum controversiarum,*

Hoc scelus est, brevibus Gyaris, & morte plandum,  
 Frater ubi fratri fit anathema, & omnia damnat  
 Eloquia, atque omnem, sibi qui dissentit, ad Indos,  
 Si posset, cuperet transmittere, vel Garamantas.  
 Vah Deus, in quænam tu nos discrimina mittis?  
 Ultima sunt certe iam tempora, de quibus ipse  
 Paulus iam dudum cecinit: *Discessio facta est,*  
*Noxque instat terris, bora & tentatio magna,*  
*In qua vix ipsi electi consistere possunt.*  
 Quisque suas sequitur partes, & credit, quod optat,  
 Torque fides inter, torque inter iurgia sæva,  
 Exsulat ipsa fides, tacitum & migravit eremum.  
 Illa quidem, lingua quæ fit, confessio crevit;  
 Quæ vera & sola est, ab ea defecimus omnes.  
 Quisque suum crepuit Christum, synodumque coëgit  
 Contra alium; ast nemo Christi est, & nemo fidelis.  
 Pastores fugere, & delituere sub antris,  
 Et se ipsi pascunt, & bacchanalia vivunt.  
 Quid faciant, misera hac sub conditione, bidentes?  
 Quo fugiant? quas in latebras suspiria mittant?  
 Temporishæc nostri scena est, hæc intima nostri  
 Fundi est perniciës, faciesque miserrima templi,  
 Chara ubi mansueti tunica inconfutiles Agni,  
 Quam metuere ipsi discerpere faucibus hostes,  
 Fœde hiat, & spurcis nimium laceratur agyrtis.  
 Flere, dolere libet: nam quod speremus amantes,  
 Vix supereſt, quam cum, contractis undique telis,  
 Sub Domini adventum, mutata ecclesia veste,  
 Incipiat florere tuo, Philadelphia, sæclo.

Vidit, & ingemuit mecum pius omnis, & ipse  
 FABRICIVS, qui non est ista de gente maligna  
 Rixatorum hominum, sed qui pia fœdera pacis

Diligite,

Diligit, ut soboles pacis: namque omnibus omnibus  
Factus, in hoc sudat, queat ut lucrari omnes,  
Atque unire Deo, ceu Paulus apostolus ille,  
Iudæis iudæus erat, gentilibus idem  
Gentilis, sitiens cunctorum mente salutem.  
Nam licet haud cupias aliquid tu demere vero,  
Sintque odio errores, & quicquid adultera quondam  
Fabula commentorum in credula pectora trusit;  
Nil tamen a charo te deturbabit amore.  
Sic neque te pannosa, rudis, mendaxque vetustas,  
Ostendens canos, rugasque in fronte seniles,  
Quæ credi sibi vult, atque in sua dogmata cogit,  
Afficit, aut mentem turbat, præscriptio veri  
Nulla datur, sed quæ sententia verior, etsi  
Sit nova, dum Christus dominus, quique anteit omnes,  
Dixerit, hæc tantum tibi sola vetustior audit,  
Hæc tibi sola placet, qualis, vel quanta videri  
Cœlicolis solet alma fides, cretataque non se  
Vendit, & æthereo pura interlucet amori.  
Sic nobis vere eclecticus, & bona si quæ  
Videris, ipse probas, magni laudator honesti,  
Omnibus in terris, & cœtibus omnibus illis,  
Quos tu vel Romæ, vel in illa sede Genève  
Aspicias, & purum Christi deprendis amorem.  
In Christo namque est nec mas, nec femina, non est  
Servulus aut liber, non hic iudæus apella  
Gentilisve valet, neque vel Tharsensibus ortus  
Paulus, vel Petrus valet, aut sacundus Apollo,  
In Christo pretium est: est omnis, & omnia, Christus,  
Et qui sunt Christi, quo tandem sint nomine dicti,  
Seu sint Romani, seu sint de gente Lutheri,  
Sive Reformati, seu ritibus Arminiani,

Vel

Vel Mennone sati, aut aliæ sub fidere gentes,  
Hi sibi coniuncti fratres, coniunctaque membra,  
Et consanguinei, ac ex carne atque ossibus iisdem.  
Nam si in Sardinia Christus tantum esse putatur,  
Et circumscripta est aftris ecclesia terris,  
Ut Donatistæ quondam sensere furentes,  
Pauper, egensque nimis factus fuit ille magister,  
Qui cathedram in cœlis habet, & pomœrialate  
Extendit, multosque alibi sibi servat amicos.  
Hoc Petrus ipse docet, doctus, monstrante magistro,  
Per visum insolitum; nam quando mordicus ipse  
Crediderat, gentes salvari haud posse sub ipso  
Præputio, tandem, cum mox Cornelius, ille  
Ethnicus, angelico firmatus crederet ore,  
Seposito affectu has produxit pectore voces:  
*Nunc vere experior, planeque ego talia credo,  
Esse Deo nullam reiectam in pectore sancto  
Personam, acceptumque ipsi, qui credat, & ipse  
Iusta agat, excelsumque Deo si præstet honorem.*  
Discite ab hoc Petro vestram cognoscere curtam  
Mensuram fidei, & tenues nolite putare,  
Omnia scripturæ iam tum mysteria vobis  
Esse revelata, & totam vos noscere mentem.  
Ille Dei præco, & divinus apostolus, igne  
Flaminis incensus, multa ignorare fatetur:  
Et vos, qui similes illi non esse potestis,  
Oeconomiam omnem, & secreta oracula nostis?  
Credite, longe alia est via Numinis omnipotentis,  
Quam via vestra, & amor vestro cœlestis amore  
Distat, & immense vestras transcendit Athenas.  
Arcanum hoc nosti, Superis dilecte FABRICI:  
Scilicet hic fructus, taptarum & meta viarum,

E

Cum

Cum vario multos peragrades fidere campos,  
 Et lapsas cœlo mentes inveneris illis  
 In batavis, latiisque viris, Gallisque sub ipsis.

Ast ego quo rapior? Lassor spatio ipse tuarum  
 Virtutum, sequor atque ducem non passibus æquis.  
 Perge triumphatum tua sub iuga mittere mundum,  
 Aeternis comparsecis: nil livor iniquus  
 In te iuris habet: magno vicinus Olympo  
 Non curas dentes, nec inania murmura lingua,  
 Nec si quis repens serpens epidaurius herbis  
 Sibilet, aut cupiant lunam allatrare molossi.  
 Nil terrent lemures, stryx, aut draco spumeos ore,  
 Qui per agros volitat, vel longo ventre locusta,  
 Nec Dares hammonius, nec egenæ Villicus algæ.  
 Tu monstra illa hominum, portentaque livida rides,  
 Et tibi secla facis, magno redeuntia gyro,  
 Atque novo semper; neque enim tua Musa quiescit.  
 Instas ipse operi, crescunt sub pondere vires,  
 Nec bona destituunt generosos munera motus,  
 Quos animans invitat honor, blandeque laceffit.  
 Qualis, ab eleo rapidum quem carcere vidit  
 Græcia, vel celeres sese effudere quadrigæ,  
 Palmaque præcipites præverterit æmula currus,  
 Bellator sonipes animosior haurit arenas,  
 Victori laudatus hero, succenditur usque  
 Immissus stadiis, & se superare laborat:  
 Sic tibi perpetuos trudit labor ille labores,  
 Et medio in senio nunquam lassaris eundo,  
 Ac alios, atque alios alacris revocaris ad usus,  
 Vique recens animo, & redeuntibus acrior annis.  
 Hinc tibi mansuros promittit Iulia fastos,  
 Phœbeique tibi spondentes secula cives,

Astorum

Actorum recinunt sublimia facta tuorum,  
Ipseque vel Princeps iugem testatur amorem,  
Teque tuosque suis amplectitur aureus ulnis,  
Ac titulos grandes, & laudum pondera mille  
Apparat, atque suis figit tua nomina cedris.

Vive, faveque mihi, vivatque HOFFMANNIA coniux,  
Illa tuæ pulchrum decus atque corona senectæ!  
Ascanius vivat, dignus qui scribitur hæres  
Et Patris, & patriis virtutibus æmulus optat  
Responderetuis, qui vel iuvenilibus annis  
Nil iuvenile sapit, generi & maturus avito  
Aeternaturam spondet producere famam!

Hæc Tibi, FABRICI, Guelforum maxime Præsul,  
Abbaque cænobii, monumenta paramus honoris,  
Certi, quod calamos non asperneris agrestes,  
Nec renuas parvam, grato ortam pectore, farram.  
Hæc tantum sunt scripta tibi; nam scribere vatium est:  
Subscribant nostris Superi, pia Numina, votis!



E 2

LAPI-



# LAPIDARIA.

HOC. QVOD. VIDES. MONIMENTVM  
 IOANNI. FABRICIO  
 CELEBERRIMO. VIRO  
 AMOR. POSVIT  
 PIETAS. EREXIT  
 HONOR. PERFECIT  
 ALTORFINVS. ILLE  
 MEDIAS. INTER. MVVAS. NATVS  
 MAGNO. DIGNVS. SECVLO  
 A. TOT. VIRIS. CLARISSIMIS  
 PATRE. AVIS. PROAVIS. ABAVISQVE. DESCENDENS  
 IN. LVMBIS. MAIORVM  
 A. BEATO. MELANCHTHONE. BENEDICTVS  
 VOTI. VIRTVTVM. IN. SÉ. SENSIT. AMPLISSIMAM  
 AVRORA. IPSIVS. IAM. TESTABATVR. DE. DIE  
 ANTE. MATVRVS. QUAM. ADVLTVS  
 PRAETEXTA. PER. PRAECOX. INGENIVM. EXVTA  
 PVERILE. NIHIL. HABVIT. PRAETER. AETATEM  
 STVPENTIBVS. PRAECEPTORIBVS  
 NON. IRE. IPSVM. AD. VIRTVTVM. SED. RAPI  
 HINC.

HINC.VT.MINERVAM.RAPERET.AD.ATHENAEA.PROFECTVS  
 ITA.EAM.COLVIT.VT.MERERETVR.HABERE  
 ITA.EAM.HABVIT.VT.HANC.NEMO.POTVERIT.PRAERIPERE  
 TANTVM.TAMQVE.VASTVM.INGENIVM  
 VBIQVE.AD.ALTIORA.ERVMPENS  
 TAM.ARCTIS.PATRIAE.LIMITIBVS.COhiberi.NON.POTVIT  
 VNDE.GERMANIAM.BELGIVMQVE.INVENS  
 CALCATIS.ALPIBVS.VISOQVE.VESVIVIO  
 ITALIAM.GALLIAS.ET.SORBONAM  
 AC.QVICQVID.IN.ILLIS.DOCTVM.AVT.RARVM.FVIT  
 OCULO.MATVRO.VIDIT.AGNOVIT.DIVDICAVIT  
 MAXIMI.INGENII.EST.MAXIMA.NOSCERE.INGENIA  
 ET.EX.TANTO.DOCTORVM.NVmero.ELIGERE.QVAE.  
 SERVES  
 EX.OCTAVIO.FERRARIO.ET.MAGLIABECHIO  
 CELEBERRIMIS.ET.ILLVSTribVS.VIRIS  
 MVLTVM.SE.PROFECISSE.RATVS  
 PLVRA.IN.SE.CONCLVSIT.QVAM.QVAE.LAVDAVIT.IN.  
 EXTERIS  
 VERITATIS.AMANTIOR.QVAM.SVI  
 QVI.QVO.SE.MELIVS.NOSCERET.VIRTVTES.IGNORAVIT.  
 SVAS  
 ALIENIS.FACVNDVS.IN.LAVDIBVS.MTVS.IN.PROPRIIS  
 SERVASSENT.SIBI.ILLVM.EXTERAE.TERRAE  
 QVAE.SVA.LINGVA.ILLVM.ET.LOQVI.ET.DOCERE.  
 AVDIERANT  
 NISI.PATRIA.PLVS.IN.IPSVM.IVRIS.HABVISSET  
 HAEC.FILIVM.SVVM.REVOCANS  
 MIRATA.TANTAS.DOCTRINARVM.GAZAS  
 PROFESSIONEM.THEOLOGIAE.IPSI.CONCREDIDIT  
 INTER.TANTA.NOMINIS.DECORA



AMICA. LAVRVS. ET. VXOR. DEERANT  
 ILLAM. FLORENTISSIMA. IENA  
 HANC. ILLVSTRIS. HOFFMANNVS. CONTVLIT  
 EX. QVA. FILIVM. VIDIT  
 QVL AVITI. SANGVINIS. ET. VIRTVTVM. HAERES  
 NON. SOLVM. MAGNAM. DE. SE. EXPECTATIONEM. IMPLET  
 SED. ETIAM. SVPERAT  
 VNICA. AEMYLIAE. SPES. AC. PATRIS. VOLVPTAS  
 SED. STARE. IN. VNO. LOCO. SOL. EIVS. NESCIIT  
 NEC. VIRTVS. DIV. CELARI. POTVIT  
 VNDE. ALIIS. ETIAM. NATVS  
 FABRICIVS. NOSTER  
 AB. ALTORFIO. AD. IVLIAM. VOCATVS  
 STVDIORVM. SVORVM. NVTRICVLAE  
 DEBERE. SE. ALIQVID. PIE. RECORDABATVR  
 A. QVA. ANTE. TRIGINTA. DVOS. ANNOS. DISCESSERAT  
 SERENISSIMI. PRINCIPES  
 HONORES. QVOS. HABVERE. SVMMOS. IPSI. DECREVERVNT  
 PRIMARIVM. IPSVM. PROFESSOREM. THEOLOGVM. CREANT  
 ATQVE. INFVLA. ABBATIAE. REGIAE. LVTERAE. ORNANT  
 NEC. NON. CONSILIIS. SACRIS. ADHIBENT  
 GAVDE. IENA. ILLVSTRIS  
 QVOD. TANTVS. A. TE. DOCTOR. REDIERIT  
 LITE. DVBIA  
 NVM. PLVS. LVCIS. AB. IPSO. QVAM. ILLE. A. TE. ACCEPERIS  
 GAVDE. IVLIA. ET. PLAVDE  
 TALEM. NACTA. THEOLOGVM  
 QVL. VERITATEM. ET. AMOREM  
 INDIVIDVAS. ILLAS. SORORES. ITA. IVNGIT  
 VT. AETERNO. CONIVGIO. COPVLENTVR  
 HORRET. ILLE. MVTVA. ANATHEMATA

BELLA.

BELLA. ILLA. HORRIDA. BELLA  
QVIBVS. FRATRES. CONTRA. FRATRES. INARDESCVNT  
QVI. SE. ANTE. INCIPIVNT. ODISSE. QVAM. NOSCERE  
MODERATIONEM. QVOQVE. ET. PACEM  
QVAM. A. MITI. PASTORE. NOSTRO. DIDICIT  
SVO. EXEMPLO. ALIIS. COMMENDAT  
NEG. TAM. PAVPEREM. SIBI. CHRISTVM. FINGIT  
QVI. IN. SARDINIA. TANTVM. SIT  
SED. IPSVM. SVAS. HABERE. OVICVLAS  
QVAQVA. PATET. ORBIS  
CVM. SANCTO. APOSTOLO. CREDIT  
HAEC. EST. ILLA. FIDES. CATHOLICA  
HIC. AMOR. VNIVERSALIS  
HAEC. THEOLOGIA. ECLECTICA  
DEO. NOS. VNIENS. ET. CHRISTO. SVO  
IN. QVO. OMNIBUS. SANCTIS. PLACES  
SOLIS. INVISVS. MALIS  
TAMQUE. INVISVS. RIXATORI. PERVERSO  
VT. RIXATOR. CHRISTO  
SVBSISTE. CALAME. LASSARIS. NON. SEQVERIS  
NVBES. INTRAT. HAEC. AQVILA  
IMO. IPSVM. COELVM  
HOC. QVI. PRAESTITERIT  
NON. TAM. LAVDARI. EVM. FAS. EST. QVAM. COLI

*F I N I S.*



90-3051864

69

